



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

A nr. 84/ 2012

Paneli Zgjedhor për Ankesa dhe Parashtrësia (PZAP), në panelin e përbërë nga gjyqtarët: Ymer Hoxha kryesues, Hasan Shala dhe Ferit Osmani anëtarë, duke vendosur përkitazi me ankesën e subjektit politik Lëvizja Vetëvendosje (LVV), dega në Ferizaj, paraqitur kundër subjektit politik Partia Demokratike e Kosovës (PDK), dega në Ferizaj, të shkrimit të grafiteve në asfalt në afërsi të Qendrës së Votimit, në seancën e panelit të mbajtur me 30.04.2012, mori këtë:

V E N D I M

REFUZOHET si e pabazuara ankesa e subjektit politik Lëvizja Vetëvendosje (LVV).

A r s y e t i m

PZAP ka pranuar një ankesë më datë 29.04.2010, nga subjekti politik LVV me te cilën pretendohet se me datën 29.04.2012, në fshatin Komogllavë te hyrja e shkollës “Besim Rexhepi” në QV 2510d në asfalt, 35 metra larg QV kanë shkruar “voto 26” gjithashtu edhe në hyrje të shkollës. Parashtruesi i ankesës pretendon se me këtë rast është bërë shkelje e Rregullës zgjedhore 11/2009 neni 6.1 pika a) dhe b) dhe Rregulla zgjedhore 09/2009 neni 7.1 pika b) dhe f)

Parashtruesi i ankesës ka bashkangjitur disa fotografi nga vendi i supozuar i ngarjes.

Neni 118 paragrafi 1 i LZP-së, parasheh:

118.1 PZAP-i pranon ankesat e bazuara në fakte dhe refuzon ankesat të cilat nuk përmbushin standardet

Rregullat dhe Procedurat e PZAP-it, neni 3 paragrafi 6 pika (c) parasheh:

- (c) *hollësi rreth çfarëdo dëshmie dhe kopje të çfarëdo dokumentacioni relevant apo dëshmi të tjera në posedim të ankuesit ose udhëzime se ku mund të gjenden dëshmitë, në rastet kur të njëjtat nuk janë në posedim të ankuesit.*

PZAP-i pasi që shqyrtoj dhe analizoi shkresat e lëndës gjeti se;

Ankesa është e pabazuar.

Pretendimet nga parashtruesi i ankesës, se janë bërë shkeljet e theksuara në ankesë janë të pabazuara nga shkakut se nuk janë ofruar dëshmi bindëse për tu vërtetuar se ka ndodhur shkelja e pretenduar në ankesë, pasi që nga fotot e ofruara si dëshmi që gjenden në shkresat e lëndës nuk dihet se ku janë shënuar këto grafite si dhe nuk mund të identifikohet se a kanë qenë këto grafite të shënuara në afërsi të Qendrës së Votimit që pretendohet nga pala ankuese apo diku tjetër. PZAP-i duke u bazuar në arsyet e cekuar më lartë e po ashtu në pajtim me dispozitat e cituara ligjore, në kuptim të nenit 115 paragrafi 1 të LZP-së, vendosi si në dispozitiv të këtij vendimi.

PZAP nuk do t'i pranojë kërkesat për ri-apelime, sepse vendimet e tij do të konsiderohen si përfundimtare. Prandaj, siç parashihet në Nenin 118.4 të LZP-së, *ankesa në Gjykatën Supreme të Kosovës mund të paraqitet brenda njëzetekatër (24) orëve nga momenti i marrjes së vendimit nga PZAP-i, në rast se gjoba e përfshirë është më e lartë sesa pesëmijë (5, 000) Euro ose në rast se çështja prek një të drejtë themelore.*

Paneli Zgjedhor për Ankesa dhe Parashtrësa

A nr. 84/2012 më datën 30.04.2012.

